

LUNA LUNEDDA

Luna lunedda fammi 'na cudduredda,
fammilla bedda ranni chi ci a portu a San Giovanni.

San Giovanni nun la voli, ci la duna a San Grigoli,
San Grigoli si la pigghia e la duna a li cunigghia.

Li cunigghia scali scali e rumperu li quartari,
li quartari chini i meli, viva, viva San Micheli.

San Micheli 'nta lu chianu, viva, viva San 'Mmastianu,
San 'Mmastianu è di miliddi, viva, viva i picciriddi.

Picciriddi vannu 'ncielu a sunari li tri tocchi,
li tri tocchi su' sunati, viva, viva a Trinitati.